

არ დაივიწყოთ გლეხკაცი

პაატა კოლუაშვილი
ეკონ. მეცნ. დოქტორი,
სტუ-ს სრული პროფესორი

საქართველოს ეკონომიკური განვითარების სასურველსა და შესაძლებელ მიმართულებაზე სერიოზული მსჯელობის კონტექსტში ცხადი არის მხოლოდ ორი რამ. პირველი: როგორი არ უნდა იყოს საქართველოს ეკონომიკური პოლიტიკა, და მეორე: რომელია და როგორია საქართველოს ეკონომიკური მომავლის ყველაზე სასურველი სახე.

სასურველია საქართველოს გარდაქმნა მაღალგანვითარებულ აგრარულ-ინდუსტრიულ ქვეყანად (შემდეგ ეტაპზე, ინდუსტრიულ ქვეყანად, ზეგანვითარებული სოფლის მეურნეობით), რომელიც თვითონ დაიკმაყოფილებს თავის სასურსათო და სხვა საარსებო მოთხოვნილებებს, ქმნება დადებითი საღდო პარტნიორ ქვეყნებთან ვაჭრობაში და ექსპორტის საგნად – მეცნიერებატევადი სამრეწველო, მეცნიერული და მაღალი ხარისხის ნატურალური სოფლის მეურნეობის პროდუქცია. ეს სასურველი მიმართულება გულისხმობს საქართველოს სასურსათო და ზოგადად ეკონომიკურ უშიშროებასაც ანუ მისი ეკონომიკური სიცოცხლისუნარიანობის გარანტირებულ შენარჩუნებადობასაც გარე ძალების ნებისაგან დამოუკიდებლად.

თანამედროვე მსოფლიოში კონკურენცია მიმდინარეობს არა მარტო სახელმწიფოებრივი მოწყობის მოდელებს შორის, არამედ ეროვნულ მეურნეობათა მოდელებსა და ეკონომიკის დარგთა ორგანიზაციისა და გაძღოლის ფორმებს შორისაც, რათა მიღწეულ იქნეს ქვეყნის კონკურენტუნარიანი უპირატესობა. ის, რაც ოპტიმალურია ჩინელისათვის, ან ამერიკელისათვის, შეიძლება ჩვენთვის არ იყოს ოპტიმალური. ჩვენ გვაქვს განსხვავებული ეროვნული სპეციფიკა, რომელიც განსაკუთრებული თავისებურებებით წარმართავს ერის ყოფაცხოვრებისა და სამეურნეო საქმიანობის სხვადასხვა სფეროს, – მექანიზმები ადამიანთა ურთიერთობის რეგულირებისა ფსიქოლოგიური, ტრადიციისმიერი, ფასეულობათა სკალით განსაზღვრული, კულტურული, მიწასთან დამოკიდებულებისმიერი და სხვა; გაგვანია განსხვავებული გეოპოლიტიკური გარემო, რესურსული პოტენციალი, ბიოგეოკლიმატური პირობები, აგრარული წარმოების წესი, საიდანაც მომდინარეობს საკვების შემადგენლობა, კვების თავისებურებები, კვების ხასიათი და ა.შ.; ყოველივე ეს, ბუნებრივია, მოითხოვს აგროსასურსათო სექტორის რეფორმირებისა და განვითარებისადმი განსხვავებულ მიდგომას, მის განხორციელებას ქართული სპეციფიკის გათვალისწინებით, და არა უცხოეთის რომელიმე ქვეყნის (თუნდაც ძალიან წარმატებულის) გამოცდილების მექანიკურად გადმოტანა-გამეორებას.

ბულის) გამოცდილების მექანიკურად გადმოტანა-გამეორებას.

ადამიანი ქმნილებათა გვირგვინია, სამყაროს მწვერვალია. ამას გვეუბნება ჩვენი სარწმუნოება და ამას ვეგვეუბნება მეცნიერება. ადამიანი ვერ განიხილება, როგორც საშუალება რაღაც მიზნისთვის – იგი უნდა განვიხილოთ მხოლოდ, როგორც მიზანი. ეს არის ყოველივე მორალის პირველი საფუძველი (ე. კანტი). გლეხის მოწოდება და დანიშნულება არ არის მხოლოდ ის, რომ მოხნას, დაბაროს, გასხლას, მოუაროს პირუტყვს, მოიყვანოს პური, მწვანილი, ხილი და ყურძენი. მისი პირველი დანიშნულება და მოწოდებაა ის, რომ იყოს – იყოს, როგორც ღირსეული, ჯანსაღი, ყოველმხრივ გამართული ადამიანი, შვილების გამზრდელი და საზოგადოების გამოძევება. ქართველი გლეხკაცის მოწოდებაა, იყოს ქართველი ბავშვების გამზრდელი, ქართველი ერის ხერხემალი, საქართველოს დემოგრაფიის დამცველი, მისთვის ოფლისა და სისხლის დამღვრელი (ისევე, როგორც ყველა სხვა მოქალაქე) და საქართველოს მიწის ყოველი ცალკეული გოჯის შემნახავი, მილიონობით პოტენციური „სტუმრის“ პირისპირ. საქართველოს დიდ პატრიოტ პოეტს ჯერ კიდევ სამასი წლის წინ აქვს ნათქვამი საქართველოს თავზე ამოვარდნილი მძიმე ქარტყილების ეპოქაში: „ოდეს წახდა გლეხკაცი, საქართველო დაძაბუნდა“.

ვისაც ეკონომიკის დაგეგმვა და მართვა ავალია, ამის დაფიქვების უფლება არ აქვს. გლეხკაცი არის (და ყოველთვის იქნება, თუმც დარმა ან დანაშაულებრივმა პოლიტიკამ არ შეუშალა)

– სოფლის, როგორც საზოგადოებისა, ერისა და ეკონომიკური ფუძე-ერთეულის, მოსახლე და შემნახავი (მაცოცხლებელი და გარდამქნელი)

– (სასაზღვრო ზონებში) ტერიტორიის გულისით მონღომებული დამცველი

– ნატურალური პროდუქციის ხარისხსა და რაოდენობაში გულწრფელად დაინტერესებული მეურნე

– შთამომავლობის მრავალრიცხოვნებასა და მაღალხარისხოვან აღზრდაში დაინტერესებული მეოჯახე

– ქვეყნის კეთილდღეობასა და ძლიერებაში ასევე გულწრფელად დაინტერესებული მოქალაქე

ამისათვის მას სჭირდება

- თავისი ოჯახის სავსებით დამაკმაყოფილებელი უზრუნველყოფა

- ურბანულთან მაქსიმალურად მიახლოებული ცივილიზაციური კომფორტი

- ურბანულთან მიახლოებული განათლების საშუალება ბავშვებისათვის

- გონივრული ხარისხი დამოუკიდებლობისა ეკონომიკურ პარტნიორებთან საქმიან ურთიერთობაში (ღვინის ქარხანასთან, საკონსერვო ქარხანასთან, მექანიზაციით მომსახურების ფირმასთან, საწვავით მოვაჭრესთან, ჩაის ფაბრიკასთან, რძის შემგროვებელ და გადამამუშავებელ საწარმოსთან, ხორცკომბინატთან, პირუტყვის სასაკლავოსთან, ლოგისტიკურ ცენტრთან, საცავ-მაცივართან და ა.შ.)

- თავისი შთამომავლობისათვის ფართო (გეოგრაფიულად და სოციალურად) პერსპექტივის იმედი.

სოფლის, როგორც ტერიტორიული ერთეულის, განვითარების გარეშე (სოფლის სტატუსი, რეალური თვითმართველობა. ინსტიტუციონალური და ინფრასტრუქტურული მოწყობა – გზა, წყალი, ელექტროენერგია, ჯანდაცვა, ბაგაბაღები, სკოლები, ბიბლიოთეკები, კლუბები, კავშირგაბმულობა, ტრანსპორტი, დასაქმება და სხვ.) ქართულ სოფელს დაცლა, ანუ მოსახლეობის მასობრივი ემიგრაცია ეშუქრება. თუ დღეს მოქმედი უარყოფითი ტენდენციები შენარჩუნდა, მოკლე ხანში აღარ გვექნება არა მარტო ფორმალური სოფლის მეურნეობა, არამედ თვით სოფელიც კი. ამიტომაც, სასოფლო სამეურნეო პოლიტიკის ძირითადი იდეაა გლეხკაცის მოფრთხილება და საზოგადოების გამოსაკვებად მისი შრომის სტიმულირება (მიწასთან მარადიული ურთიერთობა), ქვეყნის სურსათით თვითუზრუნველყოფა, სოფელსა და ქალაქს შორის სოციალურ-კულტურული განსხვავებების შემცირება.

დღეს, პირველად საქართველოს ისტორიაში, ქალაქად შობადობამ გადააჭარბა სოფლისას. რიგი სოფლები ეკონომიკურად აქტიური მოსახლეობის გარეშეა დარჩენილი. მოიშალა სოციალური და საწარმოო ინფრასტრუქტურა. სოფელი კარგავს ისტორიულ, სოციალურ-ეკონომიკურ და დემოგრაფიულ ფუნქციას. რაც ყველაზე უფრო დამაფიქრებელია, დღემდე სხვის იმედად მყოფი სოფლის მოსახლეობა ვერ ავლენს ბაზრის ელემენტარულ მოთხოვნებზე ადეკვატური რეაგირების უნარს. ქართული სოფლისათვის დამახასიათებელი გახდა სიღარიბე, რაც ძნელად მოსაშორებელია.

თანამედროვე სახელმწიფო საკუთარი სოფლის მეურნეობის განვითარებას, მისი სტრატეგიუ-

ლი და კულტურული მნიშვნელობის გამო, მხოლოდ თავისუფალი ბაზრის ამარა არ ტოვებს. ის აყალიბებს მკაფიო პრიორიტეტებს და შემდეგ საზოგადოებრივი და კერძო სექტორის პარტნიორობის ფონზე ახორციელებს მათ აღსრულებას.

საქართველომ სხვა ცივილიზებულ ერთა მსგავსად უნდა გამოჰკვეთოს პრიორიტეტები სასოფლო-სამეურნეო სფეროში (განსახედროს, სოფლის მეურნეობის რომელი და როგორი მოდელი ესაჭიროება დღეს და სამომავლოდ). პრიორიტეტები ამ სფეროში, ჩემი აზრით, ორი მიმართულებითაა: პირველი, სოფლის როგორც ყოფის, შენარჩუნება (კულტურულად, სოფელი და ღონიერი გლეხკაცი ჩვენი ერის თვითმყოფადობის შენარჩუნების ერთ-ერთი მძლავრი იარაღია) და მეორე: სასურსათო უშიშროების განმაპირობებელი სოფლის მეურნეობის სტრუქტურის ჩამოყალიბება (მსოფლიო მოსახლეობაში საშუალო ფენის მკვეთრი ზრდა და აგრონედლეულის ენერგეტიკული მიზნით გამოყენება იწვევს საკვებზე მოთხოვნასა და მასზე ფასების განუხრელი ზრდის ტენდენციას. ამიტომაც, სასურსათო უშიშროება საქართველოს სტრატეგიულ გათვლაში ერთ-ერთ წამყვან ადგილს დაიკავებს).

მთავრობის კომპეტენტურობა და აგროსასურსათო პროცესებში მისი ჩარევის ხარისხი, მიმართულება და დონე გადამწყვეტი ფაქტორია ქვეყნის შიმშილისგან გადარჩენაში დღეს და სამომავლოდ. საუკეთესო იქნება, საქართველოს მთავრობამ შექმნას აგრარული პოლიტიკის ეროვნული საბჭო, რომელიც შეიმუშავებს სასოფლო-სამეურნეო პოლიტიკის კონცეფციას, სოფლის განვითარების პოლიტიკას, განსახედრავს დარგობრივ პრიორიტეტებს, კვლევების, ინოვაციური და ეკონომიკურ-ტექნოლოგიური გარემოს ფორმირებისთვის ხელშემწყობ პოლიტიკას, განიხილავს სხვა პრობლემურ საკითხებს, მიიღებს შესაბამის რეკომენდაციებსა და გადაწყვეტილებებს. შეიმუშავებს აგროსასურსათო სექტორის განვითარების ხელშემწყობ და მარეგულირებელ საკანონმდებლო ბაზას, რომელშიც პრაქტიკულად მოაზრებული იქნება ეკონომიკური მექანიზმის ყველა ელემენტის გააქტიურება. საქართველოს პარლამენტს მისაღებად წარუდგენს საკანონმდებლო აქტებს (ასევე, ცვლილებებს დღემდე მოქმედ კანონებში), და სხვა, რომლებმაც უნდა შექმნას საკანონმდებლო ბაზა ქვეყანაში აგროწარმოების აღორძინებისა და შემდგომი განვითარებისათვის.

საქართველოს აქვს შესაბამისი ბიოგეოკლიმატური პირობები, აგრარული პოტენციალი (10-12 მლნ ადამიანის გამოკვების) და სხვა პირობები (მ.შ. გეოპოლიტიკური), რომლებიც აუცილებელია

მოსახლეობის სასურსათო უზრუნველყოფისთვის.

ნებისმიერ ქვეყანაში სოფლად მოსახლეობის რეალური დასაქმებისა და შედარებით მოკლე დროში სოციალურ-ეკონომიკური განვითარების სათანადო დონის მიღწევა მხოლოდ სისტემური ცვლილებებითა და კომპლექსური ღონისძიებების განხორციელებითაა შესაძლებელი. მათ შორის ერთ-ერთი მნიშვნელოვანი ადამიანური რესურსების სამეწარმეო აქტივობის ამაღლება. მსოფლიოს სხვადასხვა ქვეყნების გამოცდილება ადასტურებს, რომ შრომითი რესურსების სამეწარმეო გააქტიურება ყველაზე კარგად სოფლად კოოპერაციული მოძრაობის განვითარებითაა შესაძლებელი. საყურადღებოა, რომ ეს პროცესი ყველგან სახელმწიფოს აქტიური მათრეზირებით, მათრეზირებით და ხელშეწყობით წარმართა.

საქართველოს უდავოდ შეუძლია, კოოპერაციულ საწყისებზე მოახდინოს სოფლად მოსახლეობის სამეწარმეო აქტივობის მობილიზაცია და არამარტო სოფლის მეურნეობის, არამედ მასთან ტექნიკურ-ტექნოლოგიურად დაკავშირებული დარგების სწრაფი რეაბილიტაცია და შემდგომი განვითარება. სოციალურ სოლიდარობაზე დაფუძნებული მეურნეობრიობის ახალი ფორმების დამკვიდრებას ავტომატურად მოსდევს სოფლის მოსახლეობის მასობრივი დასაქმება, მისი შემოსავლების მკვეთრი ზრდა, აგრარული შრომის ავტორიტეტის ამაღლება და სოფლის კომპლექსური და დაჩქარებული განვითარება. ესაა ცნების „ჯანსაღი საშუალო ფენა“ რეალური შინაარსი.

საქართველოს მრავალდარგოვანი აგრარული სექტორის რეფორმის უპირველესი ამოცანაა დაქვემდებარებული სოფლის მეურნეობის საწარმოო ბაზის (მიწის) გამსხვილება-გამახვილება (კონსოლიდაცია), მიწის წვრილ მესაკუთრეთა ნებაყოფლობითი კოოპერაციული გაერთიანებების ჩამოყალიბება და მათი გადამამუშავებელ საწარმოებთან სხვადასხვა ფორმით თანამშრომლობა (წარმოების, გადამამუშავებისა და რეალიზაციის ერთიანი ციკლი).

იმისათვის, რომ თავისუფალმა ბაზარმა შექმნას ის, რისი შექმნაც ზედმიწევნით კარგად ეხერხება – პროდუქციის სიუხვე – აუცილებელია სახელმწიფოს მხრიდან აქტიური პოლიტიკის განხორციელება აგრობიზნესის ინფრასტრუქტურის შესაქმნელად. ეს პირველ ყოვლისა გამოიხატება სპეციალიზებული კოოპერაციული აგროსაკრედიტო სისტემის (ურთიერთდახმარების, სოლიდარული პასუხისმგებლობის) ჩამოყალიბებით, რაც კრედიტს ხელმისაწვდომს გახდის და უზრუნველყოფს მოსავლის დაზღვევის სისტემის შექმნას. ინფრასტრუქტურის აუცილებელი

ნაწილი უნდა გახდეს სასოფლო-სამეურნეო ტექნიკის, ქიმიური საშუალებების, საწვავის, ნიადაგის აგროქიმიური კვლევის და ა.შ. უზრუნველყოფის ორგანიზება. უნდა წახადისდეს ერთგვაროვანი პროდუქციის სფეროში კოოპერირების გამოყენება, მარკეტინგული დახმარება და, ასევე, ერთ-ერთ მთავარ კომპონენტად უნდა იქცეს სასოფლო რაიონებში აგროტექნიკუმების ფართო ქსელის გამოყენება, რომელიც შეძლებს ფერმერების პრაქტიკული ცოდნითა და ჩვევებით აღჭურვას და გამუდმებით მათი გადამზადების გარემოს ფორმირებას.

საქართველოს აგრარული პოტენციალის ამოქმედება უნდა გახდეს სასოფლო-სამეურნეო პოლიტიკის ძირითადი მიზანი, რომელიც უზრუნველყოფს აგრარულ რეფორმებს საჭირო შემოსავლებით, ცხოვრების მისაღები დონით და პროდუქციის გაფართოებული აღწარმოებისთვის საჭირო რესურსებით. ამასთან, გლეხებს უნდა მოეხსნათ ის პრობლემები, რომლებიც დაკავშირებულია მატერიალურ-ტექნიკური საშუალებებით მომარაგების, ბაზარზე ფასების ტენდენციების განსაზღვრის, კრედიტის ხელმისაწვდომობის, წარმოებული პროდუქციის რეალიზაციის, გადასახადებისა და დაზღვევის საკითხებთან.

გლეხკაცს – ქართული მიწის მთავარ მეურვეს – ძალუძს ააყვავოს სოფელი და არა მარტო ქვეყანა გამოკვებოს, არამედ აგრეთვე სახელმწიფოს ძლიერებასაც საძირკველი ჩაუყაროს. ამისთვის საჭიროა:

- მიწას მიუდგეთ არა მხოლოდ როგორც პროდუქციის წყაროს, არამედ როგორც მოსახლეობის შემნახავსა და გამხარებელს;

- სასოფლო-სამეურნეო მიწის გაყიდვა უცხოელებზე (მოქალაქეობის არმქონე პირებზე) კონკურენტუნარიანი საქართველოს მოქალაქეების გაჩენამდე უნდა უგამონაკლისოდ აღიკვეთოს (ქვეყნის ევროკავშირში გაწევრიანებამდე);

- ყველა საშუალებით (სახელმწიფოს ეს საშუალებები მუდამ აქვს) უნდა შეექმნათ იაფი აგროსაკრედიტო სისტემა, სოფელი უზრუნველყოთ იაფი სასოფლო-სამეურნეო საწვავით და განვითარებული საჯარო მომსახურებით (იაფი მედიორაციული და აგროტექ-ზოოვეტ მომსახურება);

- უზრუნველყოთ ირიგაციისა და დრენაჟის სისტემების აღდგენა, გასარწყავებისა (რომელსაც ალტერნატივა არ გააჩნია აღმოსავლეთ საქართველოში) და დაშრობის სამუშაოების აქტიური წარმართვა (რათა თავიდან იქნეს აცილებული მეორადი დაჭაობების პროცესი კოლხეთში);

- გზა გაუხსნათ იჯარას (გრძელვადიანისა და გასხვისებადის ჩათვლით);

- უზრუნველყოთ რაციონალურ ფარგლებ-

ში სოფლის მეურნეობის პროდუქციის სახელმწიფო შესყიდვები;

- უზრუნველყოთ იმპორტული (როგორც წესი, ეკოლოგიურად უვარგისი) პროდუქტის რეალური კონტროლი უვნებლობაზე;

- აღკვეთოთ იმპორტზე დასპეციალებული მაფიური მონოპოლიზმი;

- ყველანაირად ხელი უნდა შეეწყოს სასოფლო-სამეურნეო კოოპერაციას და ადგილზე გადამამუშავებელი საწარმოების შექმნას;

- სოფლის მეურნეობის სამინისტროსთან შევქმნათ კოოპერაციის განვითარების ცენტრი, რომელიც შეიმუშავებს კოოპერაციის განვითარების ერთიან სტრატეგიას;

- უნდა დავადგინოთ და დავიცვათ სოფლის მეურნეობის პროდუქციის აღწარმოებისთვის საჭირო საქონელსა და მომსახურებაზე ფასების პარიტეტი;

- შევქმნათ შეღავათიანი საგადასახადო და სადაზღვევო სისტემები სოფლის მეურნეობაში (რაც სახელმწიფოსთვის აგრეთვე სასესებით მისაწვდომია). 800 ათასი ჰა სახნავის დამუშავებას მაქსიმუმ 720 მლნ ლარი სჭირდება. მთელი პასუხისმგებლობით ვაცხადებ, ამ თანხის მცირე ნაწილიც (1/10) რომ გაიღოს სახელმწიფომ, სახნავის პრობლემაც გადაწყდება. ახალგაზრდა ნარგავები სრულ მსხმოიარობაში შესვლამდე 4 წლით უნდა გათავისუფლდეს მიწისა და წყლის გადასახადისგან; შემცირდეს ან გაუქმდეს დღესა და აქციზის გადასახადი სოფლის მეურნეობაში გამოსაყენებელ დიზელის საწვავზე, გათავისუფლდეს აგროტექ-ზოოვეტ მომსახურება დღეს გადასახადისგან. ასევე უნდა შემცირდეს მიწისა და წყლის გადასახადი 30%-30%-ით დასხვ. კვებისა და გადამამუშავებელი მრეწველობის საწარმოებში შემცირდეს დღეს გადასახადი არანაკლებ 10%-ით, ასევე, წყლის, ელექტროენერგიისა და გაზის გადასახადი;

- შევქმნათ სასოფლო-სამეურნეო წარმოების განვითარების, სალიზინგო საქმიანობის, თემის სამეწარმეო მობილიზაციის, საგირავნო და საგარანტიო ფონდები;

- დავადგინოთ სასოფლო-სამეურნეო წარმოებასა და აგრარულ მეცნიერებას შორის გაწყვეტილი კავშირი;

- ავადორძინოთ საქართველოს მთიანეთი, როგორც ჯანსაღი და ქვეყნისთვის მიუცდილებელი სამეურნეო ზონა. შევქმნათ მთისა და მთისწინეთის მოსახლეობას ყოველმხრივი განვითარების პირობები;

- დავიბრუნოთ და ავითვისოთ როგორც ტრადიციული, ისე ახალი ბაზრები;

- უზრუნველყოთ აგრომეურნეებისთვის

მიწათმოქმედის სტატუსის მინიჭება და სათანადო რეგისტრაცია.

ეროვნული ბაზრის დაცვის მიზნით, საქართველომ უნდა გამოიყენოს ყველა ის ბერკეტი და მექანიზმი, რომელიც მას, როგორც ვაჭრობის მსოფლიო ორგანიზაციის (ვმო) წევრ ქვეყანას, გააჩნია (უპირველესად ე.წ. დამცავი ღონისძიებები, რომლებიც გამოიყენება ისეთი სწრაფმზარდი იმპორტის მიმართ, რომელიც ზარალს აყენებს ადგილობრივ მწარმოებელს ან ქმნის ასეთი ზარალის მიყენების საფრთხეს, სეზონური ფასები და სხვა). ასევე, მთელი ყურადღება გადაიტანოს ადგილზე კონკურენტუნარიანი პროდუქციის წარმოებაზე და პროდუქციის ადამიანისთვის უვნებლობის სისტემურ შემოწმებასა და მიღებული შედეგების სისტემატურ გამოქვეყნებაზე.

ტყუილია, რომ საქართველოს მრავალდარგოვან სოფლის მეურნეობას დღეს მრავალმილიარდიანი ინვესტიცია სჭირდება, რადგან აგრარული სექტორი, როგორც დარგი, არ არის მზად მსხვილმასშტაბიანი ინვესტიციების მოზიდვისა და საჭირო პროექტების განხორციელებისთვის. იგი გადაუდებლად საჭიროებს დაქუცმაცებული სასოფლო-სამეურნეო მიწის ფონდის კონსოლიდაციას (რადგან უკიდურესად დანაწევრებულ მიწაზე რაიმე პროგრესული ტექნოლოგიის დანერგვა, მოსავლიანობის ამაღლება და არსებითი ეკონომიკური შედეგის მიღება პრაქტიკულად შეუძლებელია) და სოფლად კოოპერაციული მოძრაობის სტიმულირებას.

ათმაგად ტყუილია, რომ სოფლად დასაქმებული უნდა იყოს მხოლოდ 2-3 პროცენტი მოსახლეობისა. სოფლად უნდა იცხოვროს იმდენმა ადამიანმა, რამდენსაც სოფელი სჭირდება თავის სარჩენად და გასახარებლად. დემოკრატიულ განვითარებულ ქვეყნებში ადამიანთა რაოდენობა, რომლებიც თავს ირჩენენ სოფლის მეურნეობით, როგორც წესი, ორჯერ და მეტად აღემატება იმათსა, ვინც უშუალოდ ხნავს, თესავს, სხლავს, თიბავს და ძროხას წველის. დღეს სოფლის მეურნეობაში დასაქმებულთა ნორმატიული სიდიდე 450 ათასი კაცია, მომავალში იგი ეროვნული ეკონომიკის განვითარებისა და ქართული სოფლის სპეციფიკური თავისებურებების გამო, სასოფლო მოსახლეობის 15-20% ფარგლებში დარჩება (დაახლოებით 300 ათასი კაცი).

საქართველოს წინაშე დღეს უკვე არსებული გამოწვევები და მათი დაძლევის ამოცანები რეალურად მოითხოვს როგორც სასოფლო-სამეურნეო წარმოების დარგობრივი სტრუქტურის გადახედვას (პრიორიტეტული დარგებისა და კულტურების განსაზღვრა. სოფლის მეურნეობის ისეთი დარგობრივი სტრუქტურის ჩამოყალიბება, რომელ-

შიც წამყვანი და პრიორიტეტული ადგილი დაეთმო სასურსათო ბალანსის ფორმირებისთვის საჭირო პროდუქტების წარმოებას), ასევე თითოეული დარგის საწარმოო და საექსპორტო პოტენციალის დადგენას და გამოყენების სოციალურ-ეკონომიკური მიზანშეწონილობის განსაზღვრას. გასაგებია, რომ დღეს არსებული სოფლის მეურნეობის დარგობრივი სტრუქტურის მოდერნიზაცია კონკურენტული უპირატესობის პრინციპის გათვალისწინებით ერთბაშად შეუძლებელია, მაგრამ ამ მიმართულებით მოძრაობის დაწყება მეტად საჭირო და გარდაუვალი აუცილებლობაა.

სოფლად მოსახლეობის სამეწარმეო მობილიზაციისა და აგროსასურსათო სექტორში ყოველმხრივ გააზრებული სახელმწიფო პროექტების (სპეციალური დარგობრივი სახელმწიფო პროგრამები) მეშვეობით უნდა გააქტიურდეს საინვესტიციო პროცესები, ინოვაციური და მეცნიერულ-ტექნოლოგიური მიღწევების დანერგვა.

ეროვნული ბაზრის დაცვის მიზნით, საქართველომ უნდა გამოიყენოს ყველა ის ბერკეტი და მექანიზმი, რომელიც მას, როგორც ვაჭრობის მსოფლიო ორგანიზაციის (ვმო) წევრ ქვეყანას, გააჩნია (უპირველესად ე.წ. დამცავი ღონისძიებები, რომლებიც გამოიყენება ისეთი სწრაფმზარდი იმპორტის მიმართ, რომელიც ზარალს აყენებს ადგილობრივ მწარმოებელს ან ქმნის ასეთი ზარალის მიყენების საფრთხეს, სეზონური ფასები და სხვა). ასევე, მთელი ყურადღება გადაიტანოს ადგილზე კონკურენტუნარიანი პროდუქციის წარმოებაზე, და პროდუქციის ადა მიანისთვის უვნებლობის სისტემურ შემოწმებასა და მიღებული შედეგების სისტემატურ გამოქვეყნებაზე.

ვმო-ს წევრობა საქართველოს აძლევს უფლებას სოფლის მეურნეობის დახმარებისა და მხარდაჭერისათვის. თუმცა იგი ამას თითქმის არ იყენებს. მაგალითად, ვმო-ს ე.წ. „მინიმუმის პროგრამით“, საქართველოს შეძლო 2010 წლისათვის მთელი სოფლის მეურნეობის მხარდაჭერად გამოეყენებინა 212 მლნ ლარი, გარდა ამისა, მემცენარეობისთვის – 93 მლნ ლარი და მეცხოველეობისთვის – 112 მლნ ლარი. სულ 417 მლნ ლარი, რაც მნიშვნელოვნად შეუწყობდა ხელს ქვეყნის აგრარული მეურნეობის აღორძინებას.

რაც შეეხება სავარაუდო დარგობრივ სტრუქტურას, აქ უპირველესად ყურადღება უნდა მიექცეს იმპორტჩანაცვლებადი და ძირითადი სასურსათო პროდუქტების წარმოებას (მოცემულია ფართობების მიხედვით). მათ შორისაა: მარცვლეული (ხორბალი, სიმინდი, ქერი, შვრია). შესაბამისი აგროტექნიკისა (მ.შ. „ბიორაგით“ თესლის დამუშავება, რომელიც ბიოენერგო-აქტივატორია და, როგორც წესი, უზრუნველყოფს კულ-

ტურათა მაღალ და ეკოლოგიურად სუფთა (2-3-ჯერ მეტ) მოსავლიანობას. „ბიორაგი“ ასევე წარმატებით გამოიყენება მეცხოველეობაში) და ტექნოლოგიის პირობებში პირველ ეტაპზე (300000 ჰა-ზე) შეიძლება ვაწარმოოთ 1,0-1,1 მლნ ტონა მარცვლეული, ხოლო მეორე ეტაპზე (380000 ჰა-ზე. მ.შ. საფურაჟე მარცვლეული – 130 ათასი ჰა) 1,5-1,6 მლნ ტონა. ხორბალი მოთხოვნილების 65-70%-ის ფარგლებში. მიწათმოქმედების ინსტიტუტის ტექნოლოგიურ რუკებზე დაყრდნობით შესრულებულმა გაანგარიშებამ (პროფ. თ. კუნჭულიასთან ერთად) გვიჩვენა, რომ საქართველოში წარმოებული 1 ტონა ხორბლის ღირებულება 40 აშშ დოლარით ნაკლები იქნება დღეისთვის ქვეყანაში იმპორტირებულ ხორბლის ფასთან შედარებით, მეცხოველეობა და მისი პროდუქცია, ზეთოვანი კულტურები (მზესუმხირა – 15000 ჰა, სოია – 14000 ჰა). ასევე: ხეხილი (ვაშლი, მსხალი, ქლიავი, ატამი, ბალი, ალუბალი) – 50000 ჰა (მ.შ. ახალგაზრდა ნარგაობა – 6000 ჰა), ციტრუსი – 12500 ჰა (მ.შ. ახალგაზრდა ნარგაობა – 2000 ჰა), ხურმა, ღელვი, ფეიხოა, კივი, ბუშმალა – 10000 ჰა, თხილი, პეკანი, კაკალი – 15000 ჰა, ვაზი – 50000 ჰა (მ.შ. ახალგაზრდა ნარგაობა – 5000 ჰა), ჩაი – 15000 ჰა, ბოსტნეული და ბაღჩეული – 40000 ჰა, კარტოფილი – 20000 ჰა, შაქრის ჭარხალი – 3000 ჰა, სტევია – 500 ჰა, კენკროვნები, ეთერზეთები, დაფნა – 10000 ჰა, ტუნგო, ევკალიპტი, თუთა – 12 ათასი ჰა (ერთეული ნარგაობის ჩათვლით), თამბაქო, აბრეშუმის პარკი – 3000 ტ., თაფლი (შეიძლება ვიყოლიოთ 600000 სკა) – 10-12 ათასი ტონა და მათი გადამამუშავების პროდუქტები.

საქართველოს ძირითადად ნატურალური აგროპროდუქციით შეუძლია შეადწიოს და დამკვიდრდეს ევროპულ ბაზარზე. მან მისი მცირემიწიანობიდან გამომდინარე, აქცენტი უნდა გააკეთოს არა წარმოების მასშტაბსა და რაოდენობრივ მაჩვენებლებზე, არამედ პროდუქციის უსაფრთხოებასა და ხარისხზე, რისთვისაც ხელი უნდა შეეწყოს ეკოლოგიურად სუფთა პროდუქციის წარმოების განვითარებას, რომლის საწარმოო ბაზა ქვეყნის მთელი მთიანეთია.

მრავალწლიანმა ნარგაობამ ძირითადად უნდა დაიკავოს მისთვის ტრადიციულად განკუთვნილი შედარებით მაღლობი ადგილები (სამხრეთის დაქანების ფერდობები), ხოლო ბარი დაეთმოს მარცვლოვნებს და სხვა ერთწლიან (მ.შ. მეცხოველეობისთვის საკვებ) კულტურებს.

საქართველოს მთასა და მთისწინეთში მეცხოველეობის განვითარება ქვეყნის ერთ-ერთი მთავარი სასიცოცხლო არტერიის – მთიანეთის აღორძინებისა და თავდაცვის უპირველესი პირობა იქნება. მეცხოველეობის საკვები ბაზის, ჯო-

გის სტრუქტურისა და ზოოვეტმომსახურების გაუმჯობესების გათვალისწინებით, ქვეყანაში შეიძლება ვიყოლიოთ 1,5-1,6 მლნ სული მრპ., ღორი სულ მცირე – 1,2 მლნ სული, ცხვარი და თხა – ზაფხულში 2,0 მლნ, ხოლო ზამთარში არანაკლებ – 1 მლნ სულისა. აქვე უნდა ითქვას, მატყლის დამზადებისა და მისი პროდუქციის წარმოების (მ.შ. ხალხური რეწვის) ხელშეწყობის შესახებ, რომლის გარეშე მეცხვარეობის განვითარებაზე საუბარი მეტად რთული იქნება.

განსაკუთრებულ ყურადღებას საჭიროებს ისეთი სწრაფმზივადი და მაღალი უკუგების დარგები, როგორიცაა მეფრინველეობა (შეიძლება ვიყოლიოთ 20-25 მლნ ფრთა და გაწარმოოთ 1 მილიარდ 400 მილიონი ცალი კვერცხი) და მეთევზეობა (სატბორე მეურნეობათა შესაძლებლობის გათვალისწინებით, თავისუფლად შეიძლება გაწარმოოთ 75-80 ათას ტონაზე მეტი ნედლი თევზი). აქ ყველა რეზერვია საკუთარი წარმოების პროდუქციით მოთხოვნილების დაკმაყოფილებისთვის.

აქვე გთავაზობთ საქართველოს სოფლის მეურნეობის განვითარების სამოქმედო გეგმის (სტრატეგიის) ძირითად მონახაზს.

გადასაწყვეტი პრობლემები:

- სოფლის სტატუსის განსაზღვრა, სასოფლო-სამეურნეო დანიშნულების მიწის კონსოლიდაცია, სოფლად კოოპერაციული მოძრაობის სტიმულირება;

- სოფლის მეურნეობის საწარმოო და სოციალური ინფრასტრუქტურის რეაბილიტაცია და შემდგომი განვითარება მარკეტინგული მოთხოვნების გათვალისწინებით;

- შესაბამისი პროფილის გადამამუშავებელი მრეწველობის საწარმოებთან, აგრარულ საწარმოთა (კოოპერატივთა) ინტეგრაციისთვის ხელშეწყობა;

- აგრომწარმოებელთა კვალიფიკაციის ამაღლებისა და სამეწარმეო უნარ-ჩვევების გამომუშავების მიზნით ადგილებზე საკონსულტაციო-საინფორმაციო სამსახურისფორმირება;

- ფერმერთა გადამზადება საბაზრო ურთიერთობათა მოთხოვნების გათვალისწინებით;

- სოფლის მეურნისათვის მიწათმოქმედის სტატუსის მინიჭება და სათანადო რეგისტრაცია;

- ეკონომიკური მექანიზმის სრულყოფა და ორიენტირება აგროსასურსათო სექტორის სწრაფ განვითარებაზე (ფასების პარიტეტის დადგენის, ეფექტიანი საგადასახადო, აგროსაკრედიტო და სადაზღვევო სისტემის გამოყენებით, იმპორტის ჩანაცვლება ზედა ექსპორტზე ორიენტირებული დარგების მაღალი ტემპით განვითარება);

- აგრარული ბაზრის ეკონომიკური რეგულირება განვითარებული ქვეყნების გამოცდილებისა და ემო-ს მოთხოვნათა გათვალისწინებით.

სამოქმედო გეგმა

I. სასოფლო-სამეურნეო დანიშნულების მიწის კონსოლიდაცია და პარცელარული მეურნეობის ნეგატიური შედეგების ლიკვიდაცია

ა) „სოფლის სტატუსის შესახებ“, „სასოფლო-სამეურნეო მიწის კონსოლიდაციის შესახებ“ და „სასოფლო-სამეურნეო კოოპერაციის შესახებ“ საქართველოს კანონის პროექტების შემუშავება და პარლამენტში წარდგენა დასამტკიცებლად; ბ) მატერიალურ-ტექნიკური საშუალებებით მომარაგების, მარკეტინგული და სხვა საწარმოო-სამეურნეო მიმართულების კოოპერატივების ჩამოყალიბება, მათთვის სათანადო შედავათების შეთავაზების გზით. III. სოფლის მეურნეობის საწარმოო და არასაწარმოო ინფრასტრუქტურის რეაბილიტაცია და შემდგომი განვითარება მარკეტინგული მოთხოვნების გათვალისწინებით; ა) სარწყავი წყლის რესურსების აღრიცხვა და გამოყენების გრძელვადიანი გეგმის შემუშავება; ბ) სამელიორაციო ინფრასტრუქტურის რეაბილიტაცია და შემდგომი განვითარება; გ) სათესლე და სანაშენე საწარმოთა რეაბილიტაციისთვის ხელშეწყობა; დ) აგრონედლეულის გადამამუშავებელი კვებისა და მსუბუქი მრეწველობის საწარმოთა სიმძლავრეების რეაბილიტაცია აგროსექტორის განვითარების შესაბამისად; ე) სასაწყობო, სამაცივრო და სხვა საჭირო სიმძლავრეთა მშენებლობა პროდუქციის გრძელვადიანი შენახვისა და რეალიზაციის მიზნით; ვ) განვითარებულ ქვეყნებში არსებული უახლესი მანქანათა სისტემების (მათ შორის სამთო მიწათმოქმედებებისთვის) გადმოტანის და ათვისების მიზნით სოფლად ტექნომსახურეობის თანამედროვე ინფრასტრუქტურის განვითარება; ზ) წყალმომარაგების, გაზიფიკაციის, საგზაო და სოციალური ინფრასტრუქტურის სხვა პრობლემების დარეგულირება. II. III. სოფლად საქონელმწარმოებელთა კვალიფიკაციის ამაღლებისა და სამეწარმეო უნარ-ჩვევების გამომუშავების მიზნით ადგილზე საკონსულტაციო-საინფორმაციო სამსახურის ფორმირება; ფერმერთა გადამზადება საბაზრო ურთიერთობათა მოთხოვნების გათვალისწინებით) საკონსულტაციო-საინფორმაციო სამსახურის ქსელის შექმნა; ბ) ფერმერთა გადამზადება სამეწარმეო უნარ-ჩვევების გამომუშავების მიზნით; გ) აგრონომიული, სოფლის მეურნეობის ეკონომიკისა და აგრობიზნესის პროფილის სტუდენტთა სტაჟირება საზღვარგარეთის მოწინავე უმაღლეს სასწავლებლებში. დ) აგრარული მიმართულების სამეცნიერო-კვლევითი დაწესებულებების რეაბილიტაცია. სასოფლო-სამეურნეო წარმოებასა და აგრომეცნიერებას შორის გაწყვეტილი კავშირის აღდგენა, ურთიერთმისაღები პირობების შემუშავების საფუძველზე.

III.IV. სოფლად საქონელმწარმოებლებისთვის მიწათმოქმედის სტატუსის მინიჭება და სათანადო რეგისტრაცია) „მიწათმოქმედის სტატუსის მინიჭების და რეგისტრაციის შესახებ“ შესაბამისი ნორმატიული აქტის პროექტის მომზადება და მთავრობაში დამტკიცება. IV.V. ეკონომიკური მექანიზმის ორიენტირება აგროსასურსათო სექტორის სწრაფ განვითარებაზე, ფასების პარიტეტის დადგენა, ეფექტიანი საგადასახადო, აგროსაკრედიტო და სადაზღვევოსისტემების ფორმირება, იმპორტის ჩანაცვლებაზე და ექსპორტზე ორიენტირებული დარგების მაღალი ტემპით განვითარებისთვის) „აგრონედლეულისა და მისი აღწარმოებისათვის საჭიროსაქონელზე (მომსახურებაზე) ფასების პარიტეტის დადგენისა და დაცვის შესახებ“ საქართველოს კანონის პროექტის შემუშავება და პარლამენტში დამტკიცება; ბ) სპეციალიზებული აგროსაკრედიტო, საგადასახადო დასადაზღვევო სისტემების შესახებ საქართველოს კანონის პროექტების შემუშავება და პარლამენტში დამტკიცება; გ) „აგროსექტორში გამოყენებული მანქანა-მოწყობილობების, აგრეთვე აგრარული პროდუქციის აღწარმოებისთვის საჭირო სათესლე და სანაშენე საშუალებათა საბაჟო გადასახადისა და დღგ-გან გათავისუფლების შესახებ“ საქართველოს კანონის პროექტის მომზადება და პარლამენტში დამტკიცება. VI აგრარული ბაზრის დაცვა და ეკონომიკური რეგულირება განვითარებული ქვეყნების გამოცდილებისა და ვაჭრობის მსოფლიო ორგანიზაციის (ემო) მოთხოვნათა გათვალისწინებითა) ა) ემო-სგან მონიჭებული უფლებების – ანტიდემპინგური გადასახადის, სეზონური ფასების და ბაზრის დამცავი ღონისძიებების გამოყენებით ბაზრის დაცვა არაკეთილსინდისიერი კონკურენტებისგან. VII. სახელმწიფო დაკვეთების ინსტიტუტის რეალური ამოქმედება ძირითადი სახეობის სურსათზე და პროდუქციის შესყიდვა თანამედროვე ფორმებით. ა) ა) საბაზრო მექანიზმების გამოყენებით სოფლის მეურნეობის პროდუქციის შესყიდვა, რომელიც წარ-

მოებისა და რეალიზაციის მოვლ ჯაჭვში ინტეგრატორის როლს შეასრულებს. პროდუქციის გარანტირებული შესყიდვა უზრუნველყოფს პროგრესული ტექნოლოგიების გამოყენებას და აგრარულ წარმოებაში მომსახურების სფეროს სრულ ჩართვას. ბ) ძირითად სასურსათო პროდუქტებზე (მარცვალი, ხორცი, რძე, შაქარი, ზეთი) მოთხოვნა-მიწოდების სტაბილურობისა და წონასწორობის (სტაბილური) ფასების შენარჩუნების მიზნით, ბაზარზე ინტერვენციის და ჭარბი პროდუქციის ამოღების სახელმწიფო მარეგულირებელი სამსახურის შექმნა (ამ ეტაპზე მარცვლეულისა და მეცხოველეობის პროდუქციის სფეროში). დასკვნის მაგიერ. მაღალმწარმოებლური სოფლის მეურნეობის შექმნა აღიარებულ უნდა იქნეს ქვეყნის ეკონომიკური პოლიტიკის უპირველეს ამოცანად და საერთო ეროვნული ზრუნვის საგნად. მხოლოდ ასე გადარჩება ქართული სოფელი, რომლის გარეშე საქართველოს განვითარების პერსპექტივა წარმოდგენილია. რეზიუმე ნაშრომში სოფლის მეურნეობისთვის დამახასიათებელი თავისებურებებისა და მოსალოდნელი გლობალური გამოწვევების გათვალისწინებით მოცემულია სოფლის მეურნეობის განვითარების ახლებური ხედვა, რომელიც გულისხმობს ეკონომიკური პოლიტიკის კორექტირებას, პრიორიტეტების განსაზღვრას, ცოდნისა და საკრედიტო რესურსების დეფიციტის აღმოფხვრას, სასოფლო-სამეურნეო კულტურების დაზღვევისა და პროდუქციის შესყიდვის სისტემების ჩამოყალიბებას. ყურადღება გამახვილებულია კოოპერაციული მოძრაობის გააქტიურებაზე. მოცემულია სასოფლო-სამეურნეო წარმოების სავარაუდო დარგობრივი სტრუქტურა და სოფლის მეურნეობის განვითარების სამოქმედო გეგმა. მაღალპროდუქტიული სოფლის მეურნეობის შექმნა აღიარებული უნდა იქნას მთავრობის ეკონომიკური პოლიტიკის ძირითად ამოცანად და საერთო ეროვნული ზრუნვის საგნად. მხოლოდ ასე შეიძლება გადარჩეს ქართული სოფელი, რომლის გარეშე საქართველოს განვითარების პერსპექტივა წარმოდგენილია.

DO NOT FORGET THE PEASANTRY

PAATA KOGUASHVILI, full Professor of GTU

Based on agricultural characteristics and anticipated global challenges, the article presents innovative views on agricultural development that implies correction of rural economic policy, identification of priorities, eradication of short age of knowledge and credit resources, development of systems for insurance of agricultural crops and procurement of products. The article outlines importance of creation of integrated cooperatives and societies, development of production service organizations, regulation of prices using market mechanisms, improvement of tax system and export stimulation. There is given the strategy of development of agriculture in the article. The creation of highly productive rural economy must be recognized as the major task of government's economic policy and the subject of care of national welfare. This is the only way of saving Georgian village as the perspective of development of Georgia is impossible without its village.